



中国文献珍本丛书

中国早期科技期刊汇编  
(十四)

全国图书馆文献缩微复制中心

中國地理學會



中國郵政特准掛號認爲新聞紙類  
(電話南局一千八百九十一號)

第七年

第十二期

本雜誌第七十八號

### ◎本會徵收會費啓事

敬啓者本會自開辦至今本以學術關係與同志商榷進行猥蒙不棄輒予贊助感荷无似然丁茲時局會中經濟日形困難維持苦衷諒邀明鑒現第七年第十二期雜誌已出版寄奉各會員會費多有未經賜下者謹再通知務懇諸會員熱心扶助早日擲下俾資進行敬祈  
注意無任企予

北京舊刑部街中國地學會本部謹啓

### ◎本會徵收雜誌費啓事

敬啓者本會按月刊發雜誌凡以前定購諸君一經函示無不應時寄報每期無誤現本會雜誌已出至第七年第十二期查諸君定購雜誌代價尙有未經賜繳者謹再通知務希顧全公益早日擲下俾資周

轉如再不蒙見惠卽將雜誌停寄 千希注意無任企予

北京舊刑部街中國地學會

地學雜誌第七年第十二期目次

圖 蹟

洮易白溝諸水道圖

論 叢

論武漢

阮麟運

述小川琢治論黃河下流平地之戰略地理

的意義(續)

劉仲仁

● 雜 俎

(內 編)

古今白溝河辨

蘇 莘

東喀喇崑崙冰河探險記(未完)

陸光宇譯

紫荊關旅行紀程

賈元章

察哈爾鄉土志(續)

林傳甲

湖南水口山鉛鑛

禿 麗

(外 編)

加拿大育空州之事情(續)

陶亞民譯

南非洲加勒哈利旅行記略

陸承賈譯

● 說 郭

吉林鄉土誌略

劉延祺

紫荊關拒馬河攷附易水攷

賈元章  
連德純

回族雜居內地攷(未完)

孫寶賢

克萊登從軍記(未完)

周炳琳譯

● 郵 筒

問題一 京漢水南鐵路(未完)

問題二 蘇南鐵路

● 本會紀事

特別贈助

贊成編輯大中華地理志題名

本會交換雜誌新聞列目

本年雜誌總目

● 介紹圖書

科學雜誌

中國境界變遷大勢考附圖

京漢鐵路(未完)

回教縣內鐵路(未完)

蘇南鐵路

吉林縣志


南非鐵路

大青島

湖南水口山

泰倫島志(未完)

蘇南鐵路



開國鐵路

蘇南鐵路

吉林縣志

南非鐵路


大青島

湖南水口山

泰倫島志

蘇南鐵路

蘇南鐵路



沐易白溝  
諸水道圖

一之分萬四十九

50 100里



地學雜誌第七年第十二期

論

叢

論武漢

阮麟運

譚世界都會者。僉以英之倫敦。法之巴黎。德之柏林。美之紐約。及聖路易爲首。其次則奧之維也納。俄之彼得格勒。土之君士坦丁。印度之加爾各答。日本之橫濱。神戶。咸津津樂道。其在中國。向推上海。天津。番禺等處爲繁盛區。以予觀之。均未足與武漢並論。奚以明其然也。倫敦跨達迷塞河南北兩岸。巨艦鱗集。煙雨橋林。交通便利。西丁斯盛特河中。往往蒸發黃霧。瀰漫市城。咫尺莫辨。且僻在大不列顛島南服。距北部遠。寫均其美中不足之處。巴黎跨塞納河兩岸。柏靈在哈維爾與史普里兩河會點。維也納瀕多瑙河右岸。宅中奠都。車書畢達。然去海寥遠。雖有河運。而水量不豐。利亦難云。其美滿紐約。臨呼得桑河口。船舶輻輳。商業偉大。文學技藝於斯爲盛。然綜覽合衆國之全局。此實居於

東北偏也。聖路易在密士失。必河合密蘇爾。釐河之南。美之中央。鐵路於茲。交會。汽車。汽船。雲屯。電掣。洵商務上有數之場所。特於政教上之關係。不甚彰著耳。彼得格拉特。瀕尼瓦河。而臨波羅的海。之芬蘭灣。加爾各答。瀕呼格里河。而臨印度洋之孟加拉灣。陸地既足。迴旋海洋。亦堪馳騁。特一近寒帶。一處熱帶。祁寒暑雨。各留缺陷。之天而補救。末由也。君士坦丁。扼黑海咽喉。橫濱。據東京灣。西南。神戶。據大阪灣。西北。或爲軍事重地。或爲重要港場。均之區域。偏窄。規模。不見其宏。遠。至于長江口之上海。白河口之天津。珠江口之番禺。襟海帶江。形勝。各擅關係。亦自匪輕。然要皆我門戶重地。而非我重地之中心點也。求我國之中點。重地。其唯武漢乎。武漢地方。于天時地利人事三項。兼具。上述各地之美點。而無其缺。爲中外大地所絕。無而僅有者。謂予不信。請即武漢之形勢。與其過去之歷史。現在之情狀。將來之關係。泚筆而論列之。

武漢之形勢 武漢位於北緯三十度三十三分。北京觀象臺中經綫西二度。卽世界公用中經綫東一百一十四度二十六分之地。大江南來。漢水西下。兩

川至此合流作丁字形而武昌漢陽口三地遂成鼎足之勢。晰言之則武昌雄踞江東其山脈自南嶺之幕阜山來東西繇亘陸游入蜀記言其形蜿蜒如蛇故俗有蛇山之稱就中東爲高觀山登高縱目周窮數百里實乃壯觀西爲黃鵠山大有鵠立江干俯瞰一切之概城垣環繞山之前後山後多山阜其西北隅之鳳凰山爲軍事重地山前多湖澤中以滋陽湖最饒風景外則青山洪山八分山以爲壘沙湖曬湖南湖以爲池規模宏闊氣象雄渾以視龍蟠虎踞之建業殆有過之無不及也漢陽前臨大江後阻漢水憑鳳棲山以築城環玉帶河而爲固遠則大軍山南亘江表臨嶂山西峙漢濱以相犄角近則大別山磅礴城北翹首如飲江之龜爲兵家要地形勝攷云漢陽與武昌並峙方七里而近左右翼蔽以鞏磐石亦宇內所僅見無古無今其勢一也漢口地方爲一大冲積平原附近無陵谷起伏東襟江西抱湖北枕淪南帶漢常則因水利以便交通變亦可阻水勢以設防守柏泉山紅樹嶺陽邏堡其外壘也合言之則武漢三鎮綰內地之中樞踞長江之中流溯漢而上可達秦豫襄陽其重鎮也溯

江而上。西通蜀。彝陵其重鎮也。南通湘。北津其重地也。順流而下。通皖。贛。吳。會。半壁山。與馮家山。其關。肩也。絲斯以觀武漢之形勢。其價值不綦重乎。

過去之歷史 武漢本禹貢荊州之域。在商爲荊楚地。周春秋時武屬楚。漢屬

鄖。戰國時亦屬楚。秦統屬南郡。兩漢三國兩晉屬江夏郡。宋齊梁陳屬郢州江夏郡。隋時武昌屬鄂州尋置郡。唐屬鄂州江夏郡。五代及宋亦然。元屬武昌路。明與清屬武昌府。漢陽屬復州。尋改沔陽郡。唐屬沔州漢陽郡。五代及宋屬漢陽軍。元明清屬漢陽府。質言之。則武昌自漢及晉爲沙羨縣。自隋及清爲江夏縣。民國以府名縣曰武昌。漢陽自兩漢及三國吳爲沙羨縣地。自隋及清爲漢陽縣治而府在焉。民國去府存縣。漢鎮地方。春秋時謂之夏。訥。三國時謂之夏口。晉庾仲雍江紀謂之沔口。宋稅穆方輿覽勝謂之魯口。明以還。漢口繁盛。爲中國四大鎮之一。清季設夏口撫民府。旋改爲廳。民國夷爲縣。以言建築。則武昌自孫吳赤烏時城沙羨。移夏口縣於江南。城小而固。世爲重鎮。唐牛僧孺帥武昌。始行改築。宋皇祐亦嘗修之。均在山之後方。明洪武時。楚藩開府。始包有

山前地。嘉靖中復加修治。環城爲濠。西臨大江。城周二十里有奇。開門九。北惟武勝一門。東爲忠孝賓陽二門。西爲漢陽平湖文昌三門。南爲望山保安中和三門。清代因仍。時加修葺。光緒朝於賓陽中和間增開一門曰通湘。民國光復初。改中和爲起義。漢陽舊城周六里。凡八門。宋政和中水漲城坍。尋修復圯。明洪武初。駕臨漢陽。築城保障。然垣墉單薄。嘉靖朝始增修之。周四里有奇。開門四。東朝宗。西鳳山。南南紀。北朝元旋塞。至今唯有三門。漢皋左近。古有郤月馬騎蕭公等城。代遠年湮。了無遺跡。清太平之役。官文忠督鄂。始於同治初奏築城堡。上起橋口。下訖沙包。長十一里許。闢玉帶便民居仁由義循禮大智通濟七門。又於循禮大智間置水門。鐫郤月城三字於閘口。光緒中京漢鐵路既通。土壩一帶。悉填平成市。張文襄奏折後城。開馬路。於是向之女牆。睥睨悉夷。爲馬龍車水之場矣。以言商場。則六朝以前在武昌西南一帶。當時鸚鵡洲巨大。江中尾及黃鵠磯下。江水洄湫。黃軍浦。船官浦。南浦均爲商場。船艦聚之所。自六朝以迄唐宋武昌與漢陽商場並盛。江南則漢陽門一帶。江北則南紀門一帶。

觀陸游入蜀記與胡寅南紀樓詩已可概見元代及有明中葉商業萃於漢陽南門東門及鐵門關一帶讀余闕登太平寺詩與顧炎武天下郡國利病書可知也自萬曆間火烈水橫市廛燼蕩商務遂北徙於漢口漢口在洪武時尙屬荊州永樂時始建塞口寺即今廻龍寺也天順時廬舍大啓人煙漸盛成化時汚水穿排沙口逕郭師口直冲入江漢皋船舶匯集已成鬧市加以漢陽商店徙入而九龍八鳳山海雄鎮於以銘諸貞石焉清道光間已有外人登然足音咸豐時開爲通商口岸而十里洋場五國租界重瀛輪舶旋寄江干規模益以宏遠矣以言兵事則武漢爲兵家必爭之地實吾華一大修羅場史冊所書更僕難數僅就近六十年來言之洪楊之役武昌三陷漢陽四陷漢鎮尤蹂躪不堪歷有年所乃復元氣辛亥之秋武昌舉義陽夏戰爭開吾華新紀元放歷史大光彩是皆其過去之榮華者

現在之情狀 武漢之在今日如花逢春方興未艾遊其地幾於五光十色紀其事亦覺千緒萬端今就其大者言之言立法則有省議會崇樓廣廈色爛朝

霞莊嚴哉。神聖地。一望而知也。言行政則軍政方面。警軍開府。武昌總握兵符。翊以師旅。鎮守使駐屯漢口。貔貅鎮壓。配紮維嚴。大別鳳凰礮臺對建。江泊兵艦游弋。以時不虞。是備可以師也。民政方面。則武昌爲省長駐節。地下有江漢道尹在焉。更有縣知事。以知武昌。漢陽夏口各縣事。民瘼待求。庶其勞心撫字也。言司法則武昌有高等審檢廳及地方審檢廳。漢鎮有地方審檢廳。初級審檢則由縣知兼任。肺石之下。其庶無冤獄也。警察爲司法之一部。警務處長駐武昌。以緝全省警政。城廂內外置分署七。漢鎮設警察總局。分區置署八。又分駐所三。漢陽以知事兼警務所長。有警副以襄理之。城廂內外設分所五。劃段置崗。邏巡守望。風宵雨晦。班職輪供。宵小庶其斂跡也。水警爲水師改編。置總廳於漢陽江岸。分配長龍舢板於各汛。遊巡會哨。以保水面安寧。綠林暴客。庶無復登學士舟而索詩也。言稅關局卡。則武昌有武廠關船關也。漢鎮有江漢關海關也。於鸚鵡洲設專局。以稅竹木於武漢三鎮。設局卡以稅過境銷場之百貨財賦所入。以武昌財政廳爲總匯焉。漢上爲中外通商巨埠。特派交涉員

以重外交。其職山江漢關監督兼領之。言教育。則武昌。自張文襄督鄂。廣廈萬間。造就多士。已開教育先河。今則庶其餘烈。師範有國立高等省立初級與女子等校。法政有公立私立等校。中學有省立之第一第二。公立之勺庭。僑立之啟黃。湘立之旅鄂等校。大學唯私立一校。即武昌中華大學是也。以個人財力。成是宏舉。可以風矣。南樓養正學校。爲大總統所特設。其注重國民教育之心。可見。又若高等商業及工業農業醫學外國語警察專校等。幾於指不勝數。而文華博文兩書院。則外人設以餉我子弟者。漢陽有晴川中學及兩等學校。夏口有模範兩等及工藝學校。又新成之德華學堂。亦外人所經營也。至於初等學校。則三鎮公私林立焉。言局廠。則武昌城內有造幣廠模範大工廠官銀局及勸業場。城外有紡紗織布製麻等局。紅甄玻璃氈呢諸廠。漢陽有鐵政局與兵工鋼藥二廠。漢口有勸工院。均文襄所經營。遺留以福吾鄂。且利吾華者也。又有商辦之麪粉火柴及俄人製茶等廠。其距埠稍遠。則有財政部造紙廠及新開之鑛廠在焉。既濟水電公司。水塔七級。高矗雲表。全鎮飲料。資其挹注。萬

家燈火。悉山電傳。錫爵酬庸。侯宜不夜。江東近亦分茅矣。言商務則武昌現於武勝門外。白關商埠可拭目以俟。其發達漢陽商業。以鸚鵡洲竹木爲盛。自河泊所南至沌口三十里間。竹木山積。黃金露委。胙篋無虞。斯亦異也。漢口爲中外商貨集中地。列肆眩金銀之氣。危樓挹歐美之風。佔舶鯽塞漢濱。汽船鴈浮江表。貿易之盛大。幾軼滬濱而上之。言交通水則江永漢廣輪驅交馳。陸則京漢鐵路以漢鎮爲終點。有江岸大智循禮玉帶四站。每日定時開車。數次旅客貨物之往來。如水赴壑。川漢鐵路綫今亦將續玉帶而西。開工修築。粵漢鐵路終點於武昌。其武岳一段在湖北境者。現今逐漸竣工。自江岸南至山坡業經通車。又有輕便鐵路自江干繞城北而東入賓陽門以達造幣廠。漢陽鐵政局亦有鐵路一段以達江干。均之專爲該局廠運輸銅鐵鑛質石炭之用。餘如人力車則附蟻貫魚。通行三鎮。馬車多駛於漢口後城馬路及租界。汽車惟租界有之。風追電逐。行人辟易。而郵政電報及電話之交通機關敏捷。自無待論。若無綫電臺之設於武昌者。則專以通軍機上之消息焉。言農業則武昌南湖及